



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1248. Usque Ad Annum 1276

Fleury, Claude

August. Vind. [u.a.], 1765

VD18 90118243

§.64. Clemens IV. obit

[urn:nbn:de:hbz:466:1-66255](#)

Ius Henrico Castellæ Principi vitæ gra- Sæcul XIII.
tiam fecit tam cognationis causa, quam A.C. 1268.
quod Montis Cassini Abbas, qui eum com-
prehenderat, non nisi hac conditione tra-
didisset, ne ad sacra munia inhabilis fie-
ret, timens. Conradinus ejusque cognata
tus Dux Austriæ & quidam alii extremo
suppicio sunt affecti: prius tamen in sa-
cello quodam eis sacro funebri pro ani-
mabus suis facto interesse licuit, spatium
que noxas confitendi datum. Posthæc
in forum Neapolitanum ducti securi omnes
percussi sunt 26 Octobris. Conradini cæ-
des a plurimis improbata Regem Caro-
lum reddit odiosum, quem propterea
Papa & Cardinales acriter objurgarunt:
& in hoc Principe adolescentulo domus
Suevica extincta est.

Malasp.

§. LXIV.

Clemens IV. obit.

Papa Clemens IV Viterbii semper age-
bat, ubi pridie festum S. Andréæ 29
Nov. an. 1268 naturæ satisfecit, post-
quam tres annos, novem menses, ac vi-
ginti quatuor dies federat. Erat magnæ
vir prudentiæ, excellens jurisconsultus, Rayn. n. 54.
ac egregius verbi divini præco: Viterbii Papebr. co-
sæpe, cum esset summus Pontifex, con-
ciones habebat populum in catholica fi-
de confirmandi gratia: cantabat etiam
bellissi-

L 1 2

Sæcul.XIII. bellissime. Longum per tempus abstinebat a carnis; in lecto cubabat durissimo, nullum linteum induebat, vitamque

**Sup. lib. 81.
§. 49.** agebat integerrimam. Terræ mandatus est Viterbii in templo Prædicatorum, ubi sepulchrum ejus etiamnum cernitur, imagine S. Hedwigis Polonicæ, quam inter cœlites annumeraverat, ornatum. Post ejus obitum apostolica sedes duobus annis, decem mensibus, ac viginti septem diebus vacavit.

**Rayn. 1267.
n. 83.** Ejus tempore Sodales de Vexillo Romæ in honorem SS. Virginis consociati suam adstrinxere fidem, ut quotannis tecum sacra confessionis communionisque mysteria obirent: & Papa Clemens hoc pie tatis genus per diploma ratum habuit, centum dierum indulgentiam, quoties sacramenta susciperent, illis concedens: id quod indicat, ea tunc parum frequentata fuisse. Hæc sodalitas omnium prima & reliquarum norma fuisse dicitur; traxit que suum nomen a vexillo, quod in supplicationibus publicis portabat.



HISTO-